

1012

1012
qu

40

41

1799

Q. D. B. V.

DISPUTATIO INAUGURALIS MEDICA,

De

DIARRHOEA,

Quam

DIVINI NUMINIS AUSPICIO,

JUSSU ET AUTORITATE

GRATIOSISSIMI MEDICORUM OR-

DINIS IN HAC ALMA SALANA,

P R Æ S I D E

RECTORE h. t. MAGNIFICO,

DN. AUGUSTINO HENRICO

FASCHIO,

Med. Doct. Anatom. Chirurg. & Botanic.

Prof. Publ. Archiatro Ducali Saxonico,

Dn. Patrono, Praeceptore ac Promotore suo submissâ venera-
tione colendo,

PRO LICENTIA

SUMMOS IN ARTE MEDICA HONORES ET

PRIVILEGIA DOCTORALIA LEGITIME

CAPESSENDI,

publico examini submittit

DAVID Ranitz!

Ilenburgensis Misnicus, Practicus Magde-
burgensis.

IN AUDITORIO MAIORI

Horis ante- & pomeridianis consuetis

Ad diem

Decembr. Anno cl. Is. LXXXII.

1500.

TREATISE ON THE ART AND MYSTERY OF MEDICINE

DIARRHOEA

DE VITAE HUMANA A USU ET

IN VITAE HISTORIA

CRASSIUS

PHYSICUS

DE

RECTOR DE MAGISTRO

DE

DE

DE

DE

DE

DE

DE

DE

DE

DE

DE

DE

DE

DE





DEO DUCE ET AUSPICE
CHRISTO!

PROOEMIUM.



Quamvis levis, imò sordida de excrementorum immoderatò fluxu materia videatur, ac propterea minus digna, de quâ sermones instituantur publici; Si tamen res hæc paulò consideretur intimiùs, suâ non caret utilitate. Ejusdem enim consideratio, Medico summè necessaria est, quâ in hujus rei cognitionem & perceptionem, monente sic Scaligero provehitur.

Proindè GRATIOSÆ FACULTATIS MEDICÆ jussu ac consensu de DIARRHOEA aliquid in medium proferre, & speciminis inauguralis locò placidæ artis peritorum ventilationi & discussioni proponere mecum constitui. Faxit DEUS TER OPT. MAX., ut omnia succedant

FELICITER.

§. I.

ORigine vox hæc *Græca* est, diciturque *Διάρροια*, *Διάρροιν*, ἀπὸ τῆς *Διὰ* καὶ *ῥέειν* à *perfluendo*; hinc *Διάρρῆω*, *diffluo*, *profluo*, & affectus præsentis nomen *Διάρροια*, quod vi nominis *latissime* omnem fluxum seu profluvium denotat; *Strictè* verò comprehendit omnem alvi fluxum, sive is dysentericus, sive lientericus, coeliacus, cholericus, aut talis sit, de quo in præsentia agere mens est; *Strictissime* autem de diversorum excrementorum stercoreorum & humorum aliorum, exceptò sanguine, per intestina profluvio frequenti & copioso, sine tamen inflammatione & exulceratione intestinorum, accipitur.

§. II.

Varia insuper affectus hic ab Autoribus accipit nomina; à quibusdam enim *fluxus* seu *profluvium ventris*; ab aliis *solutio alvi*, vel *alvus liquida*; item *ventris turbatio*, τῆς κοιλίης παραχῆ, uti *Hippocr. s. 1. aph. 2.* habet; *Dejectio* item & *excretio* καὶ ἐξοχλῶ vocatur. Germanis dicitur: *der Durchfall*; item *der weisse Fluß*; *die weisse Ruhr*/ad differentiam dysentericæ, quæ vocatur; *die rothe Ruhr*; Item *das Durchlauffen*.

§. III.

Nominis explicatione præmissâ, ad realem Diarrhœæ definitionem ut accedamus, consveta aliàs est methodus. Est autem **DIARRHOEA** *frequens & copiosa fæcum alvinarum, humorumque vitiosorum, tum quantitate, tum qualitate peccantium excretio, ab irritatò intestinorum archæo dependens, citra eorundem exulcerationem aut exco-riationem.*

§. IV.

§. IV.

Generis loco ponimus *frequentem & copiosam excretionem fecum* alvinarum, quæ sensibus patet. *Ἐκκρίσις* *excretionem* dicimus; quæ, cum motu peristalticò intestinorum perficiatur, pater ad *motum* eam referendam esse. Motus verò cum actio sit; & hinc fiat immoderatè, liquidò constat, affectum hunc ad *symptomata actionis læsa* partim *aucta*, partim *depravata* referendum esse. Cum impetu enim archeus irritatus illud, quod intestinis molestiam parit, propellit & eliminat.

§. V.

Dicimus *copiosam & frequentem*; quo ipso eam distinctam volumus à naturalibus & criticis evacuationibus, quæ fiunt *ἐναίσιμος ἢ μὲν εὐφορίας*, *tempestivè & cum tolerantia*. Neutiquam tamen negamus eundem affectum habito respectu ad *materiam excretam*, rectè quoque ad *symptomata excretorum & retentorum* referri posse; Siquidem hæc tum quantitate, tum qualitate, tum excernendi modò hinc à statu naturali recedit.

§. VI.

Subiectum hujus symptomatis ab Autoribus quibusdam in dubium vocatur, dum alii ventriculum, alii intestina, alii ventriculum & intestina simul accusant. Nos PRINCIPALE subiectum *intestina* dicimus, tenuia pariter ac crassa, quæ assumpta inque ventriculo fermentata, continuo suò ductu quidem excipiunt, non tamen propter vitium aut proprium, aut aliundè ab aliis communicatum visceribus, debitè retinent, sed justò citiùs, quam segregatio utilis ab inutili instituitur, dejiciunt & exturbant.

Minus principale subjectum & adæquatum ventriculus est, qui debilis dum non ritè deglutita fermentat, neque benè digerit, intestina ad citiùs egerendum disponit. Hæc etenim natura ita fabricavit, ut præter cibos fermentatos succos etiam excrementitios ex epate & pancreate & miliaribus glandulis recipiant, qui uti naturaliter fermentationi ulteriori & meliori chyli separationi, imò facultati expultrici clysteris naturalis adinstar, inserviunt; ita præternaturaliter quando justò acriores fuerint isti humores, eò magis stimulant, bonumque succum unà cum excrementis profundunt & ejiciunt. Massa enim sanguinea particulis heterogeneis, acribus, alcalinis, Æinis, inquinata, talibus sive sensim, sive cumulativè eò deductis, propter crassitiem particularum aut visciditatem excerni nesciis, copiâ suâ plexus intestinales & glandulosas eorum papillas occupat, easdem gravat, penetrat, & denique per earundem papillosam substantiam sese confertim exonerat, juxta assertum *Peyeri parerg. anatom. 1. cap. 8. p. 71.* Ex quibus omnibus subjectum fomitis sive causæ satis fit manifestum.

§. VIII.

Causa proxima sive immediata hujus excretionis copiosæ est archeus intestinorum irritatus. *Mediata proximior* sunt humores vel vapores, & hi quidem ob caloris debilitatem, à quâ ructus & fluctuationes, originem trahunt. Illi verò vitium contraxère vel in ipsis intestinis, vel ex ventriculo eò communicatum, ut chylus corruptus; vel ex vicinis partibus eò deductum habent. Sunt autem hi humores acres Æini, de naturâ alcali & quasi biliosi participantes, cujus vigore alterant, corrumpunt

punt, & liquefaciendo excrementitios humores intesti-
naque laxando diarrhœam excitant; vix aliter, quàm
purgantia exhibita, fermentando, colliquefaciendo &
stimulando opus exerunt suum; unde & horum purga-
tio in scholis medicorum diarrhœa artificialis non sine
ratione dici potest.

§. IX.

Peccant verò prædicti *humores* effendi suò modo (1.)
quantitate, ratione habitâ tam ad ipsa assumpta, quàm
ad propriam naturam. Quò majus hic crimen, eò ma-
gis ad diarrhœam intestina disponuntur. (2.) *qualitate*;
ratione intemperiei modò calidæ, modò frigidæ, modò
humidæ; ratione substantiæ vel crassi, viscidi, vel tenues,
acres aut aliâ pravitate præditi, unde excrementorum
variat color, dùm nigricantia, flavescentia, viridescencia,
aquosa, mucosa, putrida, & talis fortis alia excernuntur.
(3.) *Motu*, quando congesti aut coacervati in intestinis,
aut aliundè eò detrusi cum excrementitiis biliosis & sali-
nis fermentare incipiunt humores, motum peristalticum
intestinorum ob intemperiem & mordacitatem turbant,
& quicquid in corporis salutem protrudi naturaliter de-
bet, justò citiùs exturbant & rejiciunt. Conspirant hic
non solùm errores externi, sed extra intestina à totius sæ-
pè corporis vitio fovetur, eoque illis morbifica commu-
nicatur materia, præcipuè ubi caco-chymia prædominium
habet in corpore. Proindè hic attendenda veniunt *pulsio*
ex toto corpore ad intestina, & *tractio* in ipsis intestinis,
quæ recipiunt, sicque magis promovetur hic fluxus.

§. X.

Causæ *remotiores mediatae* sunt triplices. Inter
Naturales eminet (1.) *Temperamentum humidum*, im-
pri-

2506.

§ (8) §

primis & *frigidum*, quod suâ naturâ debilitat fermentum & tonum laxat intestinorum. Neque excludendum hic est *calidum & humidum*, quod licet optimum, multis tamen modis defœdari, ac disponi potest, ut in Diarrhœam consentiat. (2.) *Habitus corporis* densus, transpirationem impediens magni quoque hîc est momenti. Nam texturæ qui sunt densæ, teste *Gabelchov. cent. 3. cap. 73.* cutem habentes spissam, copiosius egerere solent per alvum, hincque magis dispositi ad Diarrhœam habentur. (3.) *Ætas* omnis consentit. *Infantes* teneriores adhuc, utpote magis humidi, dentitionis tempore admodum proclives ad diarrhœam, *3. aph. 25.* Et qui ultra *primas ætates progressi* sunt, *ῥεονίαις διαρροίαις* corripuntur, *3. aph. 30.* *Senes* etiam frequentissimè hîc malò tentantur, idque sibi ferè familiare habent, *3. aph. 31.* (4.) Neq; ullus ab hîc malò immunis est *sexus*; sequior tamen magis pronus in idem. Similiter (5.) *Dispositio hereditaria*, & stimulus aut naturalis aut à morbo aliò dependens hîc causæ vices sustinere possunt.

§. XI.

Non naturalium rerum in censu obtinet locum AER primum; imprimis æstuans nimis, biliosorum humorum felicior mater, fermentationem promovet, unde diebus canicularibus diarrhœæ frequentiores esse solent. Imber multus, continuus inter alios morbos etiam *κραινής ρύσις*, *alvi profluvia* excitat, humoresque movet juxta *16. aph. lib. 3.* Hîc *Ἰνδίαλλον μέρϑ* omne ferè anni tempus, addit. *Ver* licet *ἕμενότερον*, *saluberrimum* dicatur ab *Hippocr. 3. aph. 9.* pluviosum tamen hîc in effectu non planè excusandum, *3. aph. 11.* *Ætas* ipsa accusatur *3. aph. 12.* *Autumnus* propter fructus horarios hujus alio-



aliorumque morborum ferax. *Hyems* propter frigus & humiditatem suam alvum magis disponit.

§. XII.

Sequuntur *Cibus & potus*, qui ad diarrhœam inducendam plurimum conferunt, quatenus vel in alimentorum *quantitate*, vel *qualitate*, vel *modò utendi* peccatur, præcipuè si masticatio negligitur, aut eandem inordinata & immoderata comitatur ingurgitatio. Observatum enim est ab assumtis faciliè putrescentibus, acris, fructibus horariis, malis persicis, melonibus, prunis, cucumeribus, aliisque diarrhœam fuisse exortam satis contumacem; imò à venenosâ qualitate pollutibus, lethalem. Ex uvis comestis diarrhœam novi per sextiduum durantem. Maximè etiam conferunt *pinguia omnia, oleosa, butyrum, carnes suillæ; dulcia, mel, & alia; item fungi*, quos non immeritò *Seneca* venenum voluptuosum vocat. Celerem dejectionem, referente *Galeno de caus. sympt. lib. 3.* pariunt *humidiora & magis glutinosa*, quæ hiante palato avidè deglutiuntur, & largâ potûs infusi copiâ diluuntur. *Potus* impurus, inordinatus, nimius, mustum recens, cerevisia non, aut parùm defœcata, & similia, fermentum ventriculi turbant, & *triviar* inducunt, & fluxum promovent. Ex pravâ victus ratione ortam diarrhœam, octo annos durantem in nobili viro adnotavit *Riverius Cent. 2. obs. 47.* Spectant huc etiam *purgantia (1.) fortiora*, quæ vel in majori dosi, vel intempestivè propinata, vehementiùs operantur & hypercatharces excitare solent. Idem nonnunquam efficiunt (2.) *leniora, manna, cassia*, juxta *Plater. prax. med.*

tom. 3. cap. 11., & ex chemicis Oia digestiva, abstergentia, ex ♀. ♂. & aliis, alii aliàs dicata scopo, ceu multis docuit vicibus medicorum practica experientia.

§. XIII.

Motus nimius, equitatio immodica, cursus celer, aliusque intempestivè & statim post cibum assumptum institutus, uti sanguinem nimis agitat, humores liquat, eorumque fluxum promovet; ita exercitia corporis planè omissa succos pravos cumulant, eoque magis ad hunc fluxum disponunt. *Somni & vigiliarum* eadem est ferè ratio. Si excefferint aut defecerint, malum promovebunt. Longè autem validiores sunt *animi motus*, e. g. ira, quâ bilis movetur humoresque in sui consortium trahuntur. Terror & timor idem ferè præstabunt. *Excernenda* aliter quando retinentur, aut consuetæ evacuationes suppressæ adsunt, plurimum disponunt. Sic *Ribodius cent. 2. obs. 84.* ex suppressâ □â diarrhœam ortam adnotavit.

§. XIV.

PRÆTERNATURALES sunt ventriculi & intestinorum vel ab intemperie quâdam, vel aliunde dependens p.n. dispositio, quæ digestionem impedit. Bilis & succus pancreaticus à statu naturali discedentes, multum hîc conferunt. Morbi mesenterii eorumque abscessus hîc quoque spectant; quos sæpius diarrhœa chylosa comitari solet; quæ etiam phthisicis & tabidis superveniens eosdem brevi consumere valens satis est. Infantes frequentissimè à dentitione in alvi profluvium, plerumque tamen salutare, incidere solent, juxta *aph. 25. Hipp. sect. 3.* In pe-
ste

ſte Magdeburgenſi ſtatim in principio morbi ſymptoma-
cum alvi fluxum aliquoties obſervavi. Ex ulcere bra-
chiorum vel membrorum aliorum externorum purulen-
tas diarrhœas quandoque excitari, teſtatur *Paræus*. Ex
amputatis artubus ſimilem notavit *Lotichius lib. 6.*
ſect. 9.

§. XV.

DIFFERENTIA pro varietate *materia* varia obſer-
vatur; nunc enim craſſa, viſcida, nunc fluida, tenuia reji-
ciuntur; nunc mitior & pauca; nunc cum flatuum pro-
ventu, nunc ſine his; nunc torminoſa & maligna, nunc
tolerabilis & benigna eſt; nunc flavoſcentia, viridia, æru-
ginofa, alba, flava, nigra, nunc ſeroſa, aquoſa rejiciuntur
pro cauſarum ratione. Sic nonnunquam Diarrhœa pin-
gvis, oleoſa obſervata eſt, *vid. Miſcell. curioſ. ann. 2. obſ. 20.*
p. 35. & oſſea à *Schenckio lib. 3. ſect. prior. obſ. 137.* *Subje-*
ctum differentiam conſtituit quatenus vel ibidem gene-
ratur materia, vel aliundè eò detruditur. *Cauſæ* faciunt
aliam *Criticam*, in declinatione morbi cum naturæ leva-
mine ſupervenientem; aliam *ſymptomaticam*, maligni-
tatem quandam ſœpè ſibi habentem conjunctam. *Alia*
epidemicâ, alia *habitualiſ*, quando alvus ad longum tem-
pus fuit ſoluta, vel quando ex leviffimo errore excitatur
diarrhœa, vel *accidentaliſ*. *Alia* ab humoribus & excre-
mentis modò bilioſa, ſeroſa, chyloſa, colliquativa, ſanio-
ſa, alia ſtercorea dicitur. Ab aliis verò morbis ſeu pro-
fluviis differt, & quidem (1.) à *teneſmô* ubi validus egeren-
di conatus; (2.) à *fluxu cœliacô*, ubi alimenta nonnihil
mutata, cruda tamen & non ſatis cocta; (3.) à *lienteriâ*,
ubi cibi quales aſſumpti copioſè & celerrimè rejiciuntur;

femper tamen sine exulceratione. Differentiæ'aliæ à cholera aliisque sangvinolentis profluviiis desumpta ad oculos patent.

§. XVI.

Διάγνωσις imminentem diarrhœam à ructibus, flatibus, strepitu, elevatione & fluctuationibus ventris, murmuribus hypochondriorum, doloribus lumborum & conatu egerendi colligit. *Præsentem* ipsæ dejectiones confirmant crebriores liquidæ. *Essentialis* ex subjecti adæquati verâ cognitione patebit, quæ sibi conjuncta habet appetitus prostrationem, nauseam, pravam ingestorum digestionem, ructus nidorosos, liquidarum & pravarum fœcum excretionem, nunc viridium, nunc flavarum, nigricantium, albicantium, spumosarum. Nunc dolorosa gravitas in dextrâ hypochondriâ hepar; nunc lienem in sinistrâ; gravitas capitis doloresque & catarrhi cerebrum; uterina symptomata uterum subjectum inhæsiōnis confirmant. Difficiles & dolorosos menses superveniens Diarrhœa meliorem hisce diebus peperit statum nobili cuidam Matronæ, testante sic *Magnif. Dn. D. Præside. Symptomata* morbis superveniens aliis facilè à priori distinguitur. *Critica* verò differt in eò, quod hæc cum *εὐφορία*; alia verò cum virium dejectione invadat. *Alia* distinctiva signa à causis desumenda facilia sunt cognitu.

§. XVII.

PROGNOSTICA signa eventum morbi concernunt, suntque vel *salutis* vel *mortis*. Omnis diarrhœa ex se, spontanea seu à natura instituta & critica, non nimia, periculi est expers, modò febris, præsertim maligna,
ab-

absit. Purgatur enim sic corpus à pravis humoribus & quod molestum, in tempore excernitur. Tendit proinde ad salutem diarrhœa, mitis, benigna, non adeò vehemens, sine febre quæ est, quando excrementa naturalibus non valdè dissimilia excernuntur, quando vires non adeò consumuntur, vel prostratæ iterùm adhibitis medicamentis facilè refocillantur, & nulla tormina percipiuntur. Superveniens diarrhœa aliis morbis medelam adfert; nam ὀφθαλμῶν, 6. aph. 17. surditatem, 4. aph. 48. leucophlegmatiam 7. aph. 28. solvit, Hippocratis testimonio.

§. XIIX.

Symptomata verò principio morbi alicujus magni, e. g. febribus malignis, pesti &c. superveniens, vel quando ægri cum paucò alimento varia egerunt cum sensibili corporis & virium resolutione; ut & illa, quæ supervenit tabidis & phthisicis, colliquefactiva, ut plurimum est lethalis. Prægnantibus diarrhœæ judicantur ab *Hipp. 5. aph. 34.* satis periculosæ; repertæ tamen sunt, quæ per totum ferè gestationis tempus diarrhœam habuerunt. Talis si fiat cum ὀφθαλμῶν & sine malis signis fuerit, nihil portendit mali. ἰσχυρὰ διαρροὴ post purgantia mala quidem, in tempore tamen facilè cicurari potest. Excreta livida, nigra, foetida similisque farinæ alia sunt pessima, imò lethalia. Innuunt enim viscera non sana & fermentum corruptum, malignum, putridum; undè subitaneus virium lapsus. Similiter epidemica, maligna, habitualis, periculi plenissima. Diarrhœa acutis superveniens morbis, pleuritidi, peripneumoniæ, mala, 6. aph. 16. Quò major hujus malitia, eò majus periculum est, & eò citiùs

terminatur. Si ab epatis, mesenteriique vitio, aut à capite, aut à scorbuto, aut aliorum viscerum debilitate dependeat, longiùs durat; sin hæreditarium quid sapiat, ad mortis terminum comitari solet. In alios transmutata morbos diarrhoea exitialem eventum præparat, & quò magis à statu mitiori abit, eò periculosior evadit. Ita in dysenteriam, surditatem & alios abiisse, testantur *aphorismi Hippocratici*; quæ mutatio nonnunquam benè, plerumque tamen malè cedit.

§. XIX.

Non sufficit nosse, quid sit diarrhoea; sed necessum est nunc scire, quomodo sit curanda? Non tangenda est diarrhoea spontanea, quæ à motu naturæ dependet, neque corrigenda, nisi excedat. Critica non est turbanda, nec temerariè sistenda; saltim prospiciatur robori ventriculi. Sin perduret ultra tempus legitimum, medicamentis necessariis aliquid tentandum, ne protrahatur in symptomaticam. Remedia necessaria methodus medendi monstrat, quæ tribus nititur Indicationibus: I. *Curatoria*, quæ affectum ipsum tollere, morbumque & causas extirpare præcipit. II. *Præservatoria*, quæ causas disponentes & occasionales monet abigendas, peccantem materiam in tempore evacuandam symptomaticaque præcavenda. III. *Vitalis*, virium labefactarum, restorationem & præsentium adhuc conservationem, procurat; Undè confortantia individuâ operâ conjugenda. Singulis indicationibus satis fieri poterit, auxiliorum remediis ex usitatis fontibus petitis.

§. XX.

1073

E Chirurgicò fonte licet parum aut nihil auxilii sibi promittant hi ægrotantes, *vena Sectione* tamen febris perseverantia, epatis æstuatio, inflammatio, plethoræque vitium corrigetur, consentientibus nempè viribus, ætate aliisque circumstantiis institutâ. Sudent autem in spleneticâ basilicam sinistram; in epaticâ & eâ, quæ à toto corpore, dextram basilicam; sin vires magnas ferre recusent evacuationes, venas manus aperiendas, effato *B. Rolfincii Ord. & meth. cognos. part. corp. adfect. lib. 3. cap. 16.* Probè verò distinguenda est diarrhoea critica & symptomatica à verâ, in quâ solùm V. S. dictis ex rationibus valet. *Cucurbitula* scarificatæ locum etiam inveniunt, quando diarrhoea à capite derivatur, scapulis dorsoque adplicatæ: Eidem scopo inservient *vesicatoria*. *Friciones & ligaturæ dolorificæ* in artubus supernis & infernis factæ satis potenter hinc revellunt.

§. XXI.

Pharmaceuticus fons varia variorum remediorum genera suppeditat, & quidem *purgantia*. Fortiora per alvum in nullâ diarrhoeâ conveniunt, quia irritantur istis crabrones, uti *Excellentiss. Dn. D. Ettmüllerus, Prof. Lips. Celeberr.* loqui amavit in *Collegiò practicò*. *Leniora* autem *evacuantiâ*, incipienti præprimis morbo, quæ blandissimè abstergunt & aliqualem adstrictionem relinquunt, satis commodè opponuntur; ex quibus præ aliis laudatur *rhabarbarum*, tostum & pulverisatum, & alia ex hoc præparata composita: *Syr. d. Cichor. c. rhab. Syr. rosar. solut. essentia seu anima rhabarbari. Aloe rosata, violata*

(im)



simplex & cum ¶ *ro*, quæ omnia blandè educunt. Alii hic etiam commendant *mechoacann. alb. agaric. tamarind. & alia.* Formulæ notæ sunt apud omnes Practicos. *Clysteres* quoque ad abstergendam & eluendam alvum, ex *lacte, jure carniū, decoctō hordei, terebinthinâ, melle rosaceo, vitell. ovor. herb. verbasci, malv. §. clysmatic. vel commun. &c.* ex usu non contemnendo esse possunt.

§. XXII.

Vomitoria conveniunt in diarrhoeâ, principio ejusdem opposita, si nausea adsit, aliaque ventriculi & præcordiorum symptomata urgeant. Saburram ibidem latitantium humorum quantocyùs rejiciunt, atque ex toto corpore eò quasi revulsos eliminant. Commendantur inter alia ¶ . *emeticus Myns. ritè paratus, rosa vitæ mineralis, bezoard. emeticum Sennerti, crocus metallorum absinthiac. ejusque infusum, essentia vomitoria D. D. Mich. Syr. emeticus Ludovici, & alia.*

§. XXIII.

Neque *Diureticorum* hic omnis est rejiciendus usus, quorum beneficio mictus promovetur, humorumque fit diversio: Valebunt *Spir. Suis* rectificatus, simplex, compositus, dulcis, vel solus, vel aliis ad gratam aciditatem additus medicamentis. Huc quoque spectant *emulsiones* ex seminibus 4. frigidis paratæ, quæ incrassandi virtute pollentes humorum acrimoniam temperant, & per □NL educunt.

§. XXIV.

§. XXIV.

Diaphoretica nunquam hinc videntur omitti posse, sed singulis medicamentis admisceri; præcipuè in formâ siccâ, quâ præcipitant, simulque leviter adstringunt, suntque B . *diaphor. bez. Stiale, spodium seu ebur s. Δ. paratum, C. C. c. vel s. Δ. parat. pulveres bezoardici albi & rubri* variorum Auctorum, *lapides B. corallia rubra, Mitbridatum, Theriaca, & ejus essentia, Ræ bezoard. balsamica, diafscordium Fracastorii, & similia*; quæ vel per se sola, vel aliis specificâ virtute pollentibus & adstringentibus permista, magis figentia propinantur. Talia sunt: *radix tormentill. ejusque extractum, bistort. cydonia, fructus acacia, pruna acida, &c.* in liquore convenienti aut ∇ . *cinamom. cydoniat.* Item: *rob de sorbo aucup. syr. granator. myrtinus, stypticus Myns. &c.* *Terra sigillata, ∇ japponic. bolus armen. crocus J. adstring. ejusque essentia, lapis hamatites naturalis & artificialis, sanguis draconis*; quæ omnia egregia sunt, & vel alterandi, vel confortandi vires sustinere queunt, modo præ varietate causarum misceantur & accommodentur. *Thermarum* usus autoritate, *Riverii lib. 2. cent. 47.* ad diuturnam diarrhoeam commendari poterit.

§. XXV.

Inter *corroborantia*, ventriculi tonum & intestinorum naufragium respicientia non solum jam recensita, sed & sequentia, modò febris absit, laudantur: ∇ . *Mentb. spirituos. ∇. cinamom. cydoniata, spiritus & essentia theriacalis, mastichinus Dn. D. Pauli, elix. cinamom. Michaël. pulvis stomach. Quercet. Zedoaria, mastix, nux moschat. succinum;*

C

num;

*num; it. absinth. mentha, calam. aromat. myva cydoniata
c. aromat. conserv. rosar. rubr. & ex his parata plurima,
quorum fit mentio apud Practicos. His non raro, neque
sine efficaciâ conjunguntur ex Opio parata medicamen-
ta, laudanum de tribus, extract. laudani Langelottia-
num, essentia anodyna, magisterium anodynum; quo-
rum vis unita cum præcedentibus generosiora longè red-
dit eadem.*

§. XXVI.

*Externa hic quoque plurimum valebunt, robur-
que toti ventri, & omnibus in eodem contentis visce-
ribus adflabunt imposita. Materia horum varia est;
o. nucist. express. o. Nta macis, mastich., menth., ju-
niper. carvi, cumini, caryophyl., nard., carminativ.
compos. balsam. peruvian. balsam. stomachalia composi-
ta; ex quibus vel linimenta vel unguenta parari solent.
Emplastra: de Crustrâ panis, theriacale Crollij, cero-
tum stomachale & ex eò paratum linimentum stomacha-
le Foresti, quod maximè laudat Autor. Similiter ex
mastiche, theriacâ veter. & recent., menthâ, nuc. mo-
schat., zedoar. absinth. rosis rubr., cumin. galang., &
aromatibus aliis cum fermento panis cataplasmata,
vel etiam sine hoc epithemata formantur, tam epiga-
stricæ, quàm umbilicali regioni adplicanda. Fomen-
ta, si necessitas urgeat, ex tormentill., alth. chelidon.
major. verbasco., chamomill., salviâ, conyza & aliis pa-
rata admitti possunt.*

§. XXVII.

Diæta sex rerum non-naturalium usu legitimo absolvitur. (1.) *Aër* purus, calidus, temperatus eligendus. Frigidus & pluviosus magis disponit ad diarrhoeam. Corrigitur commodè *thure*, *myrrhâ*, *succinô*, *spicâ* & aliis. Nimis æstuans evitandus, cum constet diarrhoeam infestare sæpissimè æstivalibus aut canicularibus diebus. (2.) *Cibus* sit ὀλιγόν, paucus, moderatus, ne oneretur ventriculus. *Panis* benè fermentatus & benè coctus, & si placet, bis coctus cum vino madefactus. *Carnes* juniores assatæ, elixæ cum aromatibus conditæ, poma cydoniorum cocta & pruna acida, pulticulæ ex orizâ, miliô cum lacte coctæ, mespila nondum matura aut nondum mollia, ova durius cocta, cum +to rosac. *Pinguia* omnia evitanda, dulcia, & lac, quando febris adest. *Potus* modicus, non frigidus, nec adeò calidus. *Cerevisia* benè defœcata, vetustior magis quam recens, cum pane tostô & nuce moschatâ medicata. *Vinum* rubrum & aliud etiam, si febris absit, chalybeatum, vel cinamomo, caryophyllis, cydoniatum, aromatifatam, quali sæpè hypercatharsis sistitur; est enim medicamentosus potus, stomacho gratus viresque debiles restaurans. (3.) *Motus* mediocris corporis non nocet; violentus autem nimiusque evitandus. Neque *quies* nimia concedenda; Omnia hîc temperata esse debent, sicuti etiam (4.) *Vigilia* nimix compescendæ sunt, quæ diuturniores corpori plures parere solent molestias. Somnus verò magis suadendus, qui sæpè solus hîc in affectu fuit remedium optimum. (5.) *Excretorum*

2578.

§ (20) §

& retentorum ratio ex præcedentibus patet. (6.) Animi pathemata temperentur mediocritatis frenò. Terror & mæror fugiantur cane pejus & angue, ne acrioribus humoribus ansa porrigatur major. Contra promoveatur hilaritas. Et sic præscriptis hisce legibus probè observatis, fluxus alvinus, compescetur totus.

DEO TRIUNI SIT LAUS, HONOR
ET GLORIA, IN SECULA
SEMPITERNA!

FLuxum dum ventris tra-
ctas, fluit ore disertò,
quod tenus hâc coluit mens
tua & ingenium.

Nunc honor inde tibi fluit &
laus, Clare CANIZI;
quæ comitabuntur gloria,
Sponsa, salus!

Nob. & CL.

Dn. Doctorando, Amico honoratissimo,
de novis hisce honoribus

ex animo gratulatur

P R Æ S E S.

Hacte-

H Actenus in praxi quæ par-
ta scientia rerum
sit tibi, CANITZI, hæc pagina
docta docet.

Agmina morborum posthinc
quoque pellerè perge,
gloria sic crescet non moritu-
ra Tibi.

Nomen, opes, famam cumules
hâc arte perennem!
comprecor ex animo, Fautor
amande, Tibi!

Nobilissimo
DN. DOCTORANDO
GRATULAB.

deprop.

Rud. Wilh. Krauß/D.
Prof. Publ.

C 3

Ire

IRe per ambages, atque hinc cum
pace remitti
corpore debebat pars onerosa,
cibi.

Ast, quando accelerat cursum, cor-
repta fluore,
fex vitæ insidias feditiosa
struit.

Tu salubri freno motos compone-
re fluctus
aptus honore micas, quem dat
hygeia Tibi.

*Nob. Dn. Doctorendo successus feli-
cissimos gratulor*

Georg. Wolfg. Wedelius, D.

Ha

Hactenus infundunt, Fautor,
 Tibi plurima Musæ;
 Illa sed effundunt os calamusq;
 Tuus.

De facili fluxu summus testatur
 Apollo,
 De fluxu nimio dum Tua verba
 facis.

Gratulor inde Tuis studiis, fluxum-
 que secundum
 Apprecor, ex voto, quò TIBI cun-
 cta fluant!

Hicce Nobilissimo atq; Experientissimo Dn. Ddo,
 Practico in Salinis Majoribus & apud Magdebur-
 genes haectenus felicissimo, Fautori suo honora-
 tissimo, de Summis in arte Medicâ honoribus, ex
 meritò impetrandis gratulari debuit, voluit

W. M. M. C.

Must

1522

24

PROdiit en! iterum felici sidere tempus
Lætum, quod pueris munera ferre solet!
Hòc, Salana Tibi meritos concedit honores;
Patria sed sponsam; Singula fausta sient!

Sic

Clariss. Dn. Ddo

fautori & amico exoptatissimo

vobet


J. M. Bertuch.

Wist' Er/geehrter Freund/ der Peste gleich entweichen/
als Er gezwungen / Uns damahls verlassen hat/
Und/konte Erfurth Ihm/den Lorber-Kranz nicht reichen/
So thut es Jena doch/die Hochberüimte Stadt/
Allwo mehr denn zu viel gelehrter Leute leben/
Wer kennet Wedeln nicht/den weitberühmten Mann?
Was Krause und auch Fasch/ für Anlaß werden geben
Zur Medicin/wird Er / mit Nutzen nehmen an.
Ich wünsche alles Glück zu seinen neuen Ehren/
mit welchen Jehna Ihn bekrohnet von sich läst/
Gott wolle nun darzu auch förderlichst bescheren
ein angenehmes Kind/so Ihn vergnügt aufs best.

Zu Bezeugung seiner Schuldigkeit überschickte
dieses aus Erfurth

J. M. R.
Jur. C.








Index.

| | |
|---|--------|
| 1. Valetudinarium Infantile Etmülleri. — | i. — |
| 2. De valvularum natura & usu, Kemper. — | 57. — |
| 3. De Absorptione viscerum, Wedell . — | 97. — |
| 4. De Contagijis malignis, Körber. — | 129. — |
| 5. De Lue venerea, Sennertg. — | 153. — |
| 6. De Morbo Hungarico, Fafch: — | 201. — |
| 7. De Quartana Intermitte, Rolfin: — | 253. — |
| 8. De Convulsione, Wedell: — | 293. — |
| 9. De Convulsione, Schenckig. — | 309. — |
| 10. De paralyfi, Wedell: — | 353. — |
| 11. De Inflammatione, Widmarcker. — | 393. — |
| 12. De Oedemate, Fafch: — | 413. — |
| 13. De Cephalalgia, Bohne. — | 445. — |
| 14. De Ambulatione in Somno, Schenckig. — | 462. — |
| 15. De Mania, Rolfin: — | 502. — |
| 16. De Mania, Wedell: — | 569. — |
| 17. De Erotomania, Loffig. — | 585. — |
| 18. De Morto caduco, Richter. — | 629. — |
| 19. De Apoplexia, Frideris. — | 657. — |
| 20. De Epilepsia, Wedell. — | 697. — |
| 21. De perisylvio, Wedell. — | 739. — |
| 22. De visu, Wedell. — | 787. — |
| 23. De Dentitione Infantum, Wedell. — | 819. — |
| 24. De Odontalgia, Krause. — | 851. — |

Ute.

Index

| | | |
|-----|---|-------|
| 25. | De Raucevine, Wedell. | 883. |
| 26. | De lasimibz Crani, Meibom: | 935. |
| 27. | De parotidis, Pasch: | 967. |
| 28. | De Respiratione, Etmüller. | 991. |
| 29. | De Catarrho suffocativo. | 1103. |
| 30. | De pleuritide. Krause. | 1151. |
| 31. | De Hydr pleuritica, Wedell: | 1191. |
| 32. | De phthisi, Fidenis. | 1207. |
| 33. | De lacte humano. | 1263. |
| 34. | De ovo humano, Garman. | 1295. |
| 35. | De Imbecillitate Ventriculi, Koppe. | 1327. |
| 36. | De dolore hypochondriaco, Etmüller. | 1347. |
| 37. | De suffocatione uterina. Pasch: | 1379. |
| 38. | De partu difficili, Wedell: | 1419. |
| 39. | De Stranguina Fidenis. | 1459. |
| 40. | De Diarrhaea Pasch: | 1499. |
| 41. | De Aloe, Heinsig. | 1523. |
| 42. | De Infantibus supposititijs. | 1587. |
| 43. | De fontibz Soterijs, Kalchhoff. | 1635. |
| 44. | De Archyta Tarentino, Schmid. | 1661. |
| 45. | De observatione practico-anatomica, Epistola Gläuberi. | 1699. |




153154

X2615746

R

1017







40. 41
1999

Q.D.B.V.
DISPUTATIO INAUGURALIS MEDICA,
De
DIARRHOEA,
Quam
DIVINI NUMINIS AUSPICIO,
JUSSU ET AUTORITATE
GRATIOSISSIMI MEDICORUM OR-
DINIS IN HAC ALMA SALANA,
P R Æ S I D E
RECTORE h.t. MAGNIFICO,
DN. AUGUSTINO HENRICO
FASCHIO,
Med. Doct. Anatom. Chirurg. & Botanic.
Prof. Publ. Archiatro Ducali Saxonico,
Dn. Patrono, Praeceptore ac Promotore suo submissâ venera-
tione colendo,
PRO LICENTIA
SUMMOS IN ARTE MEDICA HONORES ET
PRIVILEGIA DOCTORALIA LEGITIME
CAPESSENDI,
publico examini submittit
DAVID Ranitz!
Hlenburgensis Misnicus, Practicus Magde-
burgensis.
IN AUDITORIO MAIORI
Horis ante- & pomeridianis consuetis
Ad diem Decembr. Anno cl. Isc. LXXXII.

